

# Ո Ր Ո Շ ՈՒ Մ

ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ  
ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

ք. Մեծամոր

26 դեկտեմբերի 2023թ.

«ՀԱԷԿ» ՓԲԸ գլխավոր տնօրեն Էդուարդ Մարտիրոսյանս ուսումնասիրելով «ՀԱԷԿ-ԳՀԱՊՁԲ-55/23»  
ծածկագրով հրապարակված մրցույթի գնման ընթացակարգը

## Պ Ա Ր Ձ Ե Ց Ի

«ՀԱԷԿ» ՓԲԸ-ի կարիքների համար ճնշումային հրշեջ ճկափողի ձեռքբերման նպատակով սույն  
թվականի նոյեմբերի 30-ին հրապարակվել է «ՀԱԷԿ-ԳՀԱՊՁԲ-55/23» ծածկագրով գնման  
ընթացակարգ, որին ի թիվս այլ մասնակիցների մասնակցության հայտ է ներկայացրել նաև  
«ԱՐՄԳԱՐԴԵՆ» ՍՊԸ-ն:

Համաձայն ներկայացված գնային առաջարկների «ԱՐՄԳԱՐԴԵՆ» ՍՊԸ-ն ներկայացրել է  
ամենացածր գնային առաջարկը, սակայն հայտերի գնահատման փուլում գնահատող հանձնաժողովի  
կողմից պարզվել է, որ ներկայացված հայտում առկա են որոշակի անհամապատասխանություններ  
հրավերի պահանջների նկատմամբ, մասնավորապես՝

1. հրավերով սահմանված ՔՈՄ(Ո)-50-1,6-Տ-ՄՄՊ1 (ջերմակայուն) տեսակի ճկախողովակի  
փոխարեն առաջարկել է ՔՈՄ(Ո)-50-1,6-Մ-ՄՄՊ1 (յուղակայուն) տեսակի ճկախողովակ,
2. առաջարկել է առանց գլխիկների կամ միացման համակարգերի ճկախողովակ, սակայն  
հրավերով սահմանված է եղել, որ ճկափողի ծայրամասերում լինի ամրացված ԴՔ-50առ  
ԳՈՍՏ 28352-89 կամ համարժեք միացման համակարգեր:

Սույն թվականի դեկտեմբերի 18-ին՝ համաձայն ՀՀ կառավարության 526-Ն որոշման 41-րդ կետի,  
գնահատող հանձնաժողովի կողմից որոշվել է կասեցնել հայտերի բացման և գնահատման նիստը,  
որի մասին «ԱՐՄԳԱՐԴԵՆ» ՍՊԸ-ին ծանուցվել է Արմեփս գնումների համակարգի, ինչպես նաև  
Էլեկտրոնային փոստի միջոցով՝ առաջարկելով մեկ աշխատանքային օրվա ընթացքում շտկել առկա  
անհամապատասխանությունները:

«ԱՐՄԳԱՐԴԵՆ» ՍՊԸ-ի կողմից նշված ժամանակահատվածում թվարկված  
անհամապատասխանությունների շտկում չի կատարվել, որի արդյունքում, համաձայն ՀՀ  
կառավարության 526-Ն որոշման 42-րդ կետի, գնահատող հանձնաժողովի 2023 թվականի  
դեկտեմբերի 20-ի թիվ 2 որոշմամբ այս ընկերության հայտը մերժվել է՝ գնահատվելով հրավերի  
պահանջներին անհամապատասխան, անբավարար:


«ԱՐՄԳԱՐԴԵՆ» ՍՊԸ-ի կողմից խախտվել է նաև ՀՀ Կառավարության 526-Ն որոշման 32-րդ կետի  
19-րդ ենթակետի պահանջը:

Ղեկավարվելով «Գնումների մասին» ՀՀ օրենքի 6-րդ հոդվածի 1-ին կետի 6-րդ ենթակետի ա) պարբերությամբ՝

### Ո Ր Ո Շ Ե Ց Ի

1. «ԱՐՄԳԱՐԴԵՆ» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում երկու տարի ժամկետով:
2. Սույն որոշումը ուժի մեջ է մտնում ՀՀ ֆինանսների նախարարությանը և մասնակցին տրամադրելու հաջորդող օրվանից:
3. Սույն որոշումը կայացնելու հաջորդող օրը այն տրամադրել ՀՀ ֆինանսների նախարարությանը և «ԱՐՄԳԱՐԴԵՆ» ՍՊԸ-ին:

**Գլխավոր տնօրեն**



**Է. Մարտիրոսյան**